



Indgået

← 5 JAN. 2017

Laura Táunâjik,
Inatsisartunut ilaasortaq

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Tunumi nioqqutissat akii pillugit § 37 apeqqut nr. 278-imut akissut

03-01-2017
Sags nr. 2016 - 19842

Inatsisartut suleriaasianni § 37 imm. 1 naapertorlugu apeqqut nr. 278 aqqutigalugu
Tunumi ulluinnarni nioqqutissat akii pillugit apeqquteqaateqarputit.
Apeqqutigineqartut uannit akisassanngortinneqarput.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

1. Tasiilap nunaqarfiini nioqqutissat akisunerujussuat pillugit Naalakkersuisut arlaatigut iliuuseqarnissamik suliniuteqanngillat?

Akissut:

Ulluinnarni nioqqutissat akii Naalakkersuisunit aalajangersarneqarneq ajorput. Najukkani pineqartuni KNI-mit pilersuisussaataffaasiusuni atuisunut ulluinnarni nioqqutissanik pingaarnertut pilersuisusaaq tassaavoq Pilersuisoq. Pilersuisup nioqqutissaatini nalinginnaasumik assigiimmik akeqartittarpei. Apeqqutip aappaani tullinnguuttumi akit ilusilerneqarnerini akiusullu qaffasissusaat pillugit KNI nassuiaasiortoqarpoq.

2. Igaassat niivertarfinni akit qaffasissorujussuupput, illoqarfimmut sanilliullugit akisunerujussuupput, sooq nikingassut taamak annertutigisinnaava? Assersuutigalugu puulukit pamiuilluunniit nunaqarfinni akisunerujussuupput, tamanna sumik tunngaveqarpa?

Akissut:

Apeqqutigineqartumut tunngatillugu KNI ima nalunaaruteqarpoq:

"Tunumi Kitaanilu Pilersuisup pisiniarfiini nioqqutissat akii tunngaviumik assigiipput. Taamaattorli najukkani piseqqusaarutit akikilliliinerillu ingerlanneqartillugit akit nunaqarfimmiit nunaqarfimmut illoqarfimmiillu illoqarfimmut assigiinngissinnaasarput. Puulukit pamiuinut tunngatillugu akit tunngaviusut Pilersuisup pisiniarfiini tamani assigiipput, taamaattorli najukkani immikkut piseqqusaarinerit patsisigalugit akit assigiinngissinnaasarput. Puulukit pamiui eqqarsaatigalugit tunisassioortunit pisiarineri akit qaammatit kingullit 15-it ingerlanerini kg.-mut 20 kr. missaanik qaffariarsimapput, tamatumunngalu patsisaatinneqarluni:

- *Inuusutissalerinermut oqartussaasunit pamiup ilataa kisimi atorneqartalerinissaanik piumasaaqateqartoqalersimanera, siusinnerusukkut pamiut tamakerlugit nioqqutissiarineqartarsimagaluarput, massakullu pamiup ilaannaa nioqqutissiarineqarsinnaalersimalluni.*

- Pamiut aggorneqartarnerini periutsinut piumasaqaatit allannorsimani, taamaanneratalu tunisassiorneq akisunerulersissimavaa.
- Tunisassiaq pineqartoq pingaartumik Kinamit annertuumik piumaneqalersimavoq tamatumalu kingunerisaanik atuisartut isaannit isigalugu akit pitsaangitsumik inissisimalersimallutik.

Tassunga tunngatillugu maluginiaqquneqarpoq Nuummi pisiniarfiup akigititai nunaqarfinnilu avinngarusimasuni innuttakitsunilu piniarfinni akit sanilliusinnaanissaat ajornakusooramat. Aningaasartuutaasartummi assigiinngitsorujussuupput ilaatigut assartuinerup, imermik, kiassarnermi innaallagissamullu akigitinneqartut annertuneruneri patsisaallutik. Naatitat nillartaatillugillu tunisassat soorlu manniit/qallersuutissat timmisartumik assartukkat umiarsuamik assartukkanit akisunerujussuupput. Tamatuma saniatigut Pilersuisup pisiniarfii amerlanerit annertuumik quersuaqartariaqartarput ukiup ingerlanerani nioqqutigineqartussanik peqqumaasiviginnaasassaminnik, Nuummili pisiniarfiit taamak annertutigisunik peqqumaasiveqartariaqaratik nioqqutissanik ingerlaavartumik pilersorneqartaramik.”


3. Tunumiit Islandimut nioqqutissanik niiveqateqarsinnaaneq Naalackersuisut qaqugu pilersinniarpaat? Periarfissaq tamanna siornatigut eqqarsaatersuutigineqartareernikuvoq, sumut killippa? Qanorlu ingerlava?

Akissut:

Tunumi ulluinnarni nioqqutissanik amerlanerpaanik pilersuisoq tassaavoq KNI, Pilersuisoq aqqutigalugu pilersuisussaasoq. KNI-p nioqqutissanik assigiinngitsunik nioqquteqartarneq akillu eqqarsaatigalugit sullissinermik pitsanngorsaaniartarnermini najukani periarfissanik allanik alapernaalluni sulisarnera Naalackersuisunit tatigineqarpoq.

Matumuuna Naalackersuisunit eqqaasitsisutigineqassaaq sumiiffinni ataasiakkaanni ulluinnarni nioqqutissanik nioqquteqartarnissamut unammillersinnaasut qaqugukkulluunniit aallartitsisinnaammata. Ulluinnarni nioqqutissanik Islandimeersunik Tunumi nioqquteqartalersinnaanissamut Naalackersuisut immikkut suliniuteqarniannigillat. Naalackersuisummi qularutiginnigilaat tamanna KNI, ilaatigullu namminersortut unammillersinnaasut aqqutigalugit isumagineqarsinnaassasoq.

Inussiarnersumik inuulluaqqusillunga


Vittus Qujaukitsaq